

(APOGRAPHUM.)

BME PATER,

Archiepiscopus et Episcopi Provinciæ Quebecensis humiliter exponunt in suis diœcesibus ecclesias tempore hiemali, id est a prima die novembris usque ad primam maii, valde frigidas esse et propterea indultum fuisse ut hoc tempore SSimum Eucharistiæ Sacramentum in sacristiis asservetur, servatis servandis. Idcirco postulant ut indulgentiæ omnes quæ alicujus ecclesiæ visitationem supponunt cum oratione ad intentionem Summi Pontificis possint similiter a fidelibus obtineri per visitationem sacristiæ tempore quo juxta dictum indultum SSima Eucharistia ibidem asservatur.

Ex audientia SSmi diei 20 junii 1880. SSmus Dominus Noster Leo Divina Providentia PP. XIII, referente infrascripto S. Congnis de Propaganda Fide Secretario, porrectis precibus benigne annuere dignatus est pro gratia juxta petita.

Datum Romæ ex æd. d. S. Congnis die et anno ut supra.

Gratis quocumque titulo,

L. † S.

(Signat,)

J. MASOTTI,

Secrius.